

5 pegawai ke sidang pleno di Jakarta

BERITA HARIAN, 23 March 2001, Page 21

Article also available on Microfilm Reel NL22836

Printer-Friendly Page

5 pegawai ke sidang pleno di Jakarta

SILAT SUKAN OLEH

YUSOFF A. RAHMAN

LIMA pegawai kans Persekutuan Silat Singapura (Persisi) akan menghadiri sidang Pleno Asia Pasifik Persekutuan Silat Antar bangsa (Persilat) di Jakarta esok.

Rombongan Singapura akan diketuai oleh presidennya, Abdullah Shafie, sementara empat pegawai lain ialah Jamaludin Jamil, Johari Mokti, Mohamed Khamin Said dan Sheik Alauddin Yaacob.

Perkara utama yang akan menjadi bahan perbincangan ialah usaha Persilat untuk menyertakan sukan ini sebagai acara pertunjukan dalam Sukan Asia Pusan 2002.

"Persilat akan membuat keputusan rasmi untuk mengemukakan permohonan kepada penganjur Sukan Asia nanti agar sukan silat dapat diselitkan sebagai acara pertunjukan dalam sukan itu nanti," kata Setiausaha Agung Persisi, Jamaludin, yang akan berlepas hari ini ke Jakarta.

Menurutnya, dengan negara-negara seperti Jepun

dan Australia kini turut bergiat dalam silat, maka adalah menjadi harapan Persilat untuk melihat sukan ini dapat dijadikan acara pertunjukan.

Selain itu, sidang Persilat juga akan membincangkan tentang tuan rumah Kejuaraan Pencak Silat Asia Pasifik sama ada di Jakarta pada Julai ataupun di Brunei pada Ogos sempena lawatan ke Brunei 2001.

Sementara itu, seramai 22 pesilat termasuk 17 pesilat muda akan mengadakan latihan di Jakarta dari 25 Mac hingga 1 April ini.

Menjelaskan tentang tujuan latihan itu, Pengarah Teknikal, Sheik Alauddin, berkata ia adalah untuk menimba pengalaman.

“Semasa lawatan itu, para pesilat ini akan berpeluang menguji kebolehan masing-masing dengan menentang para pesilat dari Indonesia,” kata Sheik, yang dihubungi di Jakarta semalam.

Sheik bersama Ramli Awi telahpun berada di Jakarta untuk mengikuti kursus kejurulatihan, sementara lima pegawai lain menyertai Kursus Wasit Juri anjuran Persilat.

